

# Gvangjsih Minzcuz Bau

Guenjbanh: Gvangjsih Bouxcuengh Swcigih Minzcuz Cunghvau Swvu Veijvenzvei

Okbanj: Gvangjsih Minzcuz Bause

Geiz neix 8 bani

广西民族报

Aenhauhokbanj: CN45-0036

B.2021

Nd.12

Ng.29

Liggaeuq sincouj nienz ndwenit ngeihroek

Geizsoq: Gungh daih 3505 geiz

## Siz Ginbingz Hoiz Saenq Hawj Yisuzgyah Cungguk Guekgya Vagiye Giengzdiuh Yungh Cingz Yungh Rengz Gangj Ndei Gojgaeq Cungguk Cauh'ok Engq Lai Cozbinj Maenhndei Doiq Ndaej Hwnj Seizdaih Doiq Ndaej Hwnj Beksingq

习近平给中国国家话剧院的艺术家回信强调

用情用力讲好中国故事  
创作出更多无愧于时代无愧于人民的优秀作品

**Sinhvazse Baekging ndwen 12 ngoenz 25 dien** Youq mwh Cungguk Guekgya Vagiye cingqsik laeb-baenz 20 hopbi, Cunghung Cunghyangh cungsuhi, guekgya cujsiz, Cunghyangh Ginhveij cujsiz Siz Ginbingz ndwen 12 ngoenz 25 hoiz saenq hawj yisuzgyah aen vagiye neix, cukhoh caeuq camnai gyoengq bouxyienj Guekgya Vagiye.

Siz Ginbingz youq ndaw saenq naeuz, gyoengqsou iteig gvancez vwnzyi fuengcim cwngecz dangj, swncienjz gij goeknduj Yenzanh laeb-

yienh, swncienjz gij meglwed saek-hoengz Yenzanh, gaenxmaenx hengz-guh gij sawjmingh coengzsang yisuz vih beksingq, vih vwnzyi hwngfat hoenghuengh fatok cozung youq-gaenj. Gyoengq yisuzgyah haenqrengz gaenxguh, cauhguh le haujlai cozbini ndei miz ndoknyinz, miz daudwz, miz dohraeuj, guh daengz binjdaw caeuq yisuz cungj miz mingzdaeuz ndei.

Siz Ginbingz giengzdiuh, maq-muengh caezgya laebdaeb roengz-rengz, dawzmaenx diuzmeg seizdaih,

soujmaenx beksingq lizcangz, dingj-maenx souj cingq cauhmoq, yungh cingz yungh rengz gangj ndei gojgaeq Cungguk, cauh'ok engq lai cozbini maenhndei doiq ndaej hwnj seizdaih, doiq ndaej hwnj beksingq, vih vwnzyi saehnieb seizdaih moq hwngfat hoenghuengh, vih fungfouq cingsaenz seiqgyaiq beksingq ok goengrengz engq lai.

Ndanggonq Guekgya Vagiye dwg Yenzanh Cinghnenz Yisuz Giye bi 1941 laebbaenz, doeklaeng ginggvaq gaj mingz geij baez, youq bi

2001 ndwen 12 ngoenz 25 cingqsik gyoebaleb baenz Guekgya Vagiye. Mboengneix, 16 boux yisuzgyah Guekgya Vagiye raiz saenq hawj Siz Ginbingz cungsuhi, bauqlwnh gij dijei hag gangvah youqgaenj Siz Ginbingz cungsuhi youq aen gaihmuiz Cungguk Vwnzlenz Cib'it Daih, Cungguk Cozhez Cib Daih haenx, caeuq gij cingzgvang hwngfat giye cauhlaeb 80 bi doxdaeuj, gangjok le gij gietsim giendingh cauhguh cozbini maenhndei vih vwnz-va giengz guek ok rengz.

### Baij Dinfwngz Dajsan Langh Yienghndei Minzcuz

展竹编技艺 秀民族风采

Ndwen 12 ngoenz 23, Hocouh Si Bingzgei Gih youq Sahdenz Cin Sihnanz Cunh aen cehgenh dajsan banh doxdax dinfwngz yungh faexcuk san doxgaiq, baez hozdung neix yinx daeuj 30 lai boux ak dajsan camgya doxdax. Hozdung muzdiz dwg doxdax dinfwngz dajsan, langhbaij yienghndei minzcuz, swncienjz dinfwngz minzcuz miz daegsaek, gyalai vunzlai gak cuz lai rox dinfwngz, hawj vunzlai gak cuz youq bakdou ranz ndaej couhnieb, coicaenh lajmbanj saenqhwngh, gyalai minzcuz doxgiat.

(Vangz Ligenh Cangh Yenniz ingi)



## Gvangjsih Hawj Dieg Minzcuz Haeuxgwn Ancienz Beksingq Baenzmiz

广西推动民族地区粮安富民

Geij bi neix daeuj, Swcigih Liengzsiz Caeuq Vuzswh Cuzbei Giz giethab gij cingzgvang hwngfat canj-nieb haeuxgwn gih raeuz, haeujlaeg guh cawjdaez hozdung "minzcuz dox-giet • haeux an fouq minz" daengj, youq gohyoz romyo haeuxgwn, aen gunghcwnghz haeuxgwn ndei, soucawx haeuxnaz miz boujdiep daengj fueng-mienh bued cienz caemhcai q ngeng-gonz cwngecz dem, haenqrengz hawj dieg minzcuz haeuxgwn lai ancienz.

Doigvangq gohyoz romyo haeuxgwn. Sonyinx boux ndaem haeux-

doenggvaq gyaranz romyo haeuxgwn gyamaenx gij giekdaj haeuxgwn ancienz, boiq aen cang gohyoz romyo haeuxgwn hawj 8.6 fanh ranz nungz-hoh Yungzsuij, Sanhgyangh, Lungz-linz, Bahmaj, Duh'anh daengj siujsoq minzcuz swciyen, bued cienz 1510 fanh maenz hwnqguh caeuq gajguh gij sezsih aen cang romyo haeuxgwn siujsoq minzcuz swciyen, vih ancienz romyo haeuxgwn gunghawj diuzgienh rengzrwd, gemjnoix haeuxgwn sonj-saet.

Hengzguh aen dajveh hengz-

doengh "liengzyouz ndei Cungguk". Youq Yungzsuij, Lozcwnghz daengj siujsoq minzcuz swciyen anbaiz cienz boujdiep Cunghyangh 500 fanh maenz, doenggvaq aen giyez lingx-daeuz daiqdoengh, sonyinx dangdieg diuzcingj ndei gezgou dajndaem, guh ndei mwh soucawx huq ndei gai ndaej gyaqcienz sang, cietsaed hawj haeuxgwn caetliengh yauqik lai sang. Cingjhab cienz caizcwngh 2890 fanh maenz, youq Yungzsuij, Lungzswng, Gunghcwnghz, Fuconh daengj siujsoq minzcuz swciyen hwnqbaenz 10 aen

cungsim fugsah haeuxgwn baenzsou, bang gyoengqvunz ndaem haeux gangqhawq, dak, sourom daengj.

Swcigih Liengzsiz Caeuq Vuzswh Cuzbei Giz gungh anbaiz soucawx 13.5 fanh dun haeuxnaz miz boujdiep siujsoq minzcuz swciyen, gungh bued cienz 4040 fanh maenz, gyoengqvunz ndaem haeuxnaz ciuq dajveh gai haeuxgwn le ndaej cienz boujdiep, hawj vunzlai dieg minzcuz ndaem haeux souik ndaej onjdingh.

(Danz Cozywnz Se Yijfanz)